



A Fundación Secretariado Gitano é unha entidade social intercultural sen ánimo de lucro que presta servizos para a promoción social da comunidade xitana en España e no ámbito europeo.

Traballamos para conseguir a plena cidadanía das persoas xitanas, para mellorar as súas condicións de vida, para promover a igualdade de trato e para evitar toda forma de discriminación, así como para impulsar o recoñecemento da identidade cultural da comunidade xitana.

[www.gitanos.org](http://www.gitanos.org)

Síguenos en:



# EL TATUAJE QUE MÁS DUELE

MILES DE XITANOS E XITANAS  
**SOFREN A MARCA DOS PREXUIZOS**  
E CADA DÍA SON DISCRIMINADOS POR ISO

[www.eltatuajequemasduele.org](http://www.eltatuajequemasduele.org)

## QUE É A TATUAXE QUE MÁIS DOE?

A **Tatuaxe Que Máis Doe** é unha campaña de sensibilización da Fundación Secretariado Gitano **en contra da discriminación** e a favor da dignidade das persoas xitanas.



**Son xitana e non son de fiar.** Esta é a mensaxe que Amanda, unha moza xitana, se tatuou o 16 de novembro perante os medios de comunicación para que os prexuízos deixasen de ser invisibles.

Desta forma, **pretendemos chamar a atención de toda a sociedade** sobre o gran problema de discriminación que sofren xitanos e xitanas que, cada día, son rexeitados pola súa condición étnica.

**Por que nos impacta que alguén se tatúe unha mensaxe tan negativa e non nos impacta que miles de xitanos e xitanas sexan discriminados cada día?**



Cóñece máis casos de discriminación en [www.eltatuajequemasduele.org](http://www.eltatuajequemasduele.org)

## O PROBLEMA DA DISCRIMINACIÓN

O rexeitamento social contra as persoas xitanas é un problema que afecta a miles de cidadáns e cidadás e que **vulnera o seu Dereito á Non-Discriminación**.

Os **numerosos casos de discriminación** contra as persoas xitanas constátanse en dificultades para acceder a un traballo, alugar unha vivenda ou entrar nun local de lecer, entre outras moitas situacións cotiás.

Para erradicar a discriminación cómpre **facela visible e reclamar unha maior atención** de poderes públicos, institucións e entidades sociais.

Avanzar na igualdade real de cidadás e cidadáns xitanos **mellorará a saúde democrática de toda a sociedade**, faraa máis digna e máis xusta.

## QUE PROPOÑEMOS?

A defensa da igualdade e o dereito á non-discriminación verteбра todo o noso traballo. Por iso, dende a Fundación Secretariado Gitano propoñemos, entre outras medidas:

- ◆ **Maior protección dos poderes públicos** ao dereito á igualdade e á dignidade.
- ◆ **Aprobar unha Lei Integral de Igualdade** para abordar os actos discriminatorios que non constitúen un delito.
- ◆ **Crear un Organismo de Igualdade independente** que asuma todas as competencias e responsabilidades que establece a normativa europea.
- ◆ **Impulsar a actuación dos Servizos de Delitos de Odio e Discriminación** das fiscalías provinciais e a súa coordinación cos demais axentes implicados.
- ◆ **Sensibilizar ao conxunto da sociedade** para conseguir un maior reproche social perante os actos flagrantes de antixitanismo.

**Seguiremos traballando para facer visibles os casos de discriminación e denuncialos, apoiando ás vítimas e promovendo políticas que garantan a igualdade de trato.**